



Nos t'ey pa facilita bo!

Himno di Centro di Playa Pabao

1) Un idea di sumo balor
A sali fo'i curazon
Di un bario yen balor
Un anhelo pa trece union
Formando un centro di Playa Pabao.

Refrein

*E calor di su hendenan
Nan comprencion y stimacion
Ta e forza di su curazon
E amor di su hendenan
Nan atencion y dedicacion
Ta forza di Playa Pabao.*

2) Bon bini na tur raza y color
Sin importa religion
Politica o funcion
E deseo di su curason
Ta pa uni nos Playa Pabao

Refrein

3) Su meta ta p'e bienestar
Di deporte, cosnan social
Educativo y cultural
Cu orguyo el a wordo funda
Ban tene semper liber di maldad.

Refrein

Nos f'ey pa facilita bo!



Programa Celebracion 25 aña di existencia di Centro di Bario Playa Pabao



<p>Diasabra 8 di maart 7.00 PM</p>	<p>Sacrificio di misa kapel di madiki Oranjestad</p>	<p>Diaranson 12 di maart 7.30 PM - 9.30 PM</p>	<p>Exposicion pa publico combina cu charla</p>
<p>Diadomingo 9 di maart 10.00 AM - 3.00 PM</p>	<p>Pustamento di boto miniatura</p>	<p>Diahuebs 13 di maart 7.30 PM - 9.30 PM</p>	<p>Exposicion pa publico combina cu charla</p>
<p>Dialuna 10 di maart 7.30 PM</p>	<p>Apertura di e exposicion: "Nos centro atraves di tempo" Centro di Bario Playa Pabao</p>	<p>Diabierna 14 di maart 9.00 AM - 12.00 PM</p>	<p>Mainta pa nos grandinan</p>
<p>Diamars 11 di maart 7.30 PM - 9.30 PM</p>	<p>Exposicion pa publico combina cu charla</p>	<p>Diabierna 14 di maart 7.30 PM - 12.00 PM</p>	<p>Nochi Cultural cu diferente presentacion e.o. di scolnan di bario</p>





Palabra di danki

Nos kier a tuma e oportunidad aki pa gradici tur hende cu na un of otro manera a contribui na e 'memorandum' aki. Specialmente: Sr. Stanley Heinze, Sr. Dennis Burke, Sra. Rosa Burke, Sra. Desiree Correa, Sr. Antonio Chirino, Sr. Hector 'Chichi' Perez, Sr. Humphrey Hayer, Sra. Editha Hayer, Sra. Regina Lopez-Croes, Sr. Jorge Flores, Sr. Gregorio 'Buchi' Ridderstap y Sr. Benny Richardson.

Un danki grandi ta bai pa Asociacion Trabao di Hubentud na Aruba y SHS pa duna nan colaboracion.

Angelique Maduro y Ans Leertouwer



Nos t'ey pa facilita bo!

Apreciabel habitante di Playa Pabao

E aña aki nos ta recordando cu 25 aña pasa Fundacion Centro di Bario Playa Pabao a wordo funda. Nos fundacion tin como meta pa organisa actividadnan riba tereno educativo, social y cultural den Playa Pabao. Di tal forma nos por aporta na e promocion di e union y bienestar di nos bario. Mi tabatin e privilegio di a forma parti di e prome directiva cu a cuminsa cu e trabou di pionero. Manera e dia di awe mi ta corda con nos tabata reuni den oficina di Osticeba na Dakota. Reunionan cu ta cuminsa 8'or y termina banda di 1'or sin ningun coffeek. *by: J. J. J. J. J.*

Como comisario den e tempo ey mi tawata encarga cu e Comision di hubentud. Cada miembro tawata encarga cu un comision, manera esun di damas, di deporte y di informacion. Mi ta recorda e prome miembronan di directiva manera nos prome presidente Luisito Fingal, Gisela Schotborg casa Croes (q.e.p.d.), Antolino Chirino, Bochi Maduro (q.e.p.d.), Fefe Fillé (q.e.p.d.) y Lio Davelaar. Tin asina hopi miembro di directiva y boluntario cu a haci un trabao balioso y cu a duna un aporte indispensabel cu e ta imposibel pa menciona tur. For di fondo di mi curazon y na nomber di nos centro y bario mi kier bisa tur hende danki pa locual nan a duna pa nos ta unda nos a yega awe.





For di inicio nan a yuda y cu gran entusiasmo nos a cuminsa cu nos prome actividadnan manera anochi di pelicula, buscamento di webo di pasco grandi, hersengymnastiek, torneo deportivo entre diferente barionan di Playa Pabao, disco pa hoben, nochi navideño, anochi cultural, celebracion di 18 di maart, dia di mama y hopi mas. E entusiasmo y energia cu a inverti den e actividadnan tawata pasobra habitantenan di Playa Pabao a realisa cu nan bario mester di su centro. Esey tur habitante tawata di acuerdo. Y awor nos a logra cu awe nos por celebra 25 año di existencia...

Nos a termina 25 año y awor nos ta drentando un otro etapa. Un etapa pa consolida nos organisacion. Un deseo fuerte ta pa grandi y chikito mas y mas haci uso di nos centro. Nos ta boga cu cada habitante di nos centro di bario ta consider'e como un centro pa nos tur. E directiva actual lo crea e espacio pa mas actividad recreativo, deportivo y educativo pa tuma lugar den nos centro. Diferente organisacion den bario ya caba ta haci uso di e centro y nos lo kier mas. Nos directiva ta traha incansablemente pa nos por mehora nos facilidadnan pa complace cu e deseo pa deleita tur habitante di tur edad den Playa Pabao.

Di nos e centro ta y laga nos probecha di locual e tin pa ofrece y facilita. Laga nos sigui traha pa haci nos bario potente. Conhuntamente nos por logra.

Pabien cu e 25 añanan di perseverancia.

Dennis K. Burke
Presidente di Centro di Bario Playa Pabao



Nos t'ey pa facilita bo!

Prefacio

Playa Pabao ta forma un parti importante di nos capital Oranjestad. Den ultimo decadanan el a crece enormamente y ainda ta den desaroyo. Centro di Bario Playa Pabao Tambe ta hunga un rol cardinal den e desaroyo di Playa Pabao y su habitantenan. Centro di Bario ta un punto di encuentro social, cultural, educativo y deportivo y ta forma un instrumento pa asina promove e bienestar, formacion y desaroyo di e habitantenan.

Den cuadro di e vision di ministerio di Asuntonan Social y Infraestructura, esta e compromiso pa un desaroyo sostenibel y pa hisa e calidad di bida pa un y tur cu ta biba na Aruba, en especial e gruponan mas vulnerabel, centronan di bario tambe ta hunga un rol importante. E proyecto di construccion di vivierendanan social di FCCA cu pronto lo inicia na Bushiri den cuadro di e maneho di vivienda social di nos Ministerio, tambe ta contribui na e desaroyo aki.

Como Minister di Asuntonan Social y Infraestructura Centro di Bario Playa Pabao por conta cu mi sosten pa asina logra realisa nan plannan, pa por haye e fondonan necesario pa amplia e centro cu diferente facilidad y pa realisa un compleho deportivo. Esakinan seguramente tambe lo contribui pa hisa calidad di bida di e habitantenan di Playa Pabao.

Por ultimo mi kier felicita Playa Pabao, su habitantenan y directiva di Centro di Bario Playa Pabao cu e 25 aña di existencia di e centro di bario y desea boso hopi exito den futuro.

*Minister di Asuntonan Social y Infraestructura
Drs. Marisol Lopez-Tromp*





Historia

Dia 23 februari na aña 1978 e Fundacion di Centro di Barlo Playa Pabao a lanta cu e meta principal di uni tur hende biba den e bario di Playa Pabao.

Miembronan di e Fundacion ta:

Sr. Ramon Todd Dandare, maestro,

Sr. Tecensio Reinaldo Luis Vingal, Waarnemend Inspecteur der Belastingen;

Sr. Vero Ethelwoldo Maduro, ambtenaar;

Sr. Lucasio Desiderio Thomas, ambtenaar;

Sr. Reynold Becker, maestro di deporte;

Sr. Franchot Louis Scoop, maestro di deporte;

Srta. Justica Victorina Tromp, maestra;

Srta. Rita Margarita Thomas, ambtenares;

Sr. Wilfred Johannes Bernardo Filé, trahador di waf;

Sr. Johnny Kenneth Simoons, fotografo;

Sr. Juan Climaco Kemp, controlado di casino;

Sr. Franklin Frederik Kock, ambtenaar;

Sr. Gregorio Geronimo Croes, metsla.



1978 - 2003

Nos t'ey pa facilita bo!

Historia

Playa Pabao tabata y ta un barlo cu hende di diferente origen, profeshon, procedensia etc. Playa Pabao a cuminsa na e barlo Rancho, locual tabata un pueblo di piscadonan. Piscadonan cu a bin for di Nord pa pisca banda di Playa y cu hopi biaha a keda drumi den un 'rancho' na Playa. Nan cuminda conoci tabata "Awa di Playa": awa cu pisca herbi cu un tiki salo. Mayoria di e habitantenan di e barlo den e tempo ey tabata piscado di Nord y trahado di Waf cu a bin for di Venezuela. Fam hopi conoci por ehempel tabata Quandt (Nord) y Corasquero (Venezuela).

E barlo Socotoro tabata consisti di plantacion di famia Coronel y Arends. Despues nan a bende nan terenonan y Señor Ortis a traha cas pagabel den e barlo. Santa Helena tabata e barlo mas prospero y akinan a biba hopi ambtenaar, maestro y doño di negoshi chikito.

E barlo Playa Pabao cu su hende di diferente cultura a biba huntu y tog alehal Pesey e meta di e Fundacion Centro di Barlo Playa Pabao tabata pa uni tur hende den e barlo, pa muestra con dushi y bon e barlo ta y kico e barlo por haci pa su hendenan.



Historia



Riba e portret aki por mira un gran parti di e directiva di e tempo ey, d.r.p.d. Antolino Chirino, Dennis Burke, Ronny Eckmeyer, Nolly Becker, Django Simmons, e prome presidente; Luis Vingal, Bachi Maduro, Fefe Fillé (q.e.p.d.), Lucas Thomas y Stanley Heinze. Nan a organisa e prome actividadnan bao guia di Stanley Heinze.



Nos t'ey pa facilita bo!

Historia

Centro di Bario Playa Pabao kier a demonstra e grandesa y balor di e bario Playa Pabao y asina trece union bao di e habitantenan, specialmente cu e prome activiadadnan. Nan a laga traha un video tocante e bida den e bario y a organisa un anochi cultural.

Mario Croes a compila storianan riba un video, conta pa hende di edad cu a elabora tocante nan bida den e bario. E video a pasa na television y tabata hopi comenta y gusta.

Varios artista conoci di e bario a duna nan coöperacion pa apoya nan bario y a duna un presentacion gratuitamente na e anochi cultural. E evento tabata un exito rotundo y un cantidad di hende a dicidi pa bira boluntario e tempo ey na e Centro di Bario Playa Pabao.





Historia

Un comision di Damas a lanta bao di guia di Sra. Gisela Schotborg-Croes (q.e.p.d) y nan a organisa varios actividad, special pa hende muher.

Otro comision activo den e tempo ey tabata:
Comision di Deporte bao guia di Bochi Maduro;
Comision di Informacion bao guia di Antolino Chirino;
Comision di Hubentud bao guia di Dennis Burke.

Nos centro di Baria a conoce diferente presidente y cada un a pone un piedra mas na e fundeshi solido na loka awendia ta e orguyo di Playa Pabao: su centro. Un centro cu tin un solo meta: di uni e bario y di brinda e bario un dibirticlon sano den cada actividad cu e organisa.



Nos t'ey pa facilita bo!

Historia

Centro di Bario Playa Pabao a yega di organisa varios actividad den pasado, e.o. judo, dia di deporte, wega di bolas criollas, 'bike tour', les di cuarta', obra di man pa mucha, curso di traha snacks, curso di 'etiqueta y protocolo y hopi mas.



Un actividad hopi popular y exitoso tabata e dia deportivo, na unda diferente wega y deporte a wordo hunga.




Sr. Hector 'Chichi' Perez tabata entrenado di judo pa mas o menos 10 aña. Modiki Judo Club a yega di gana hopi premio tanto na Aruba como den exterior!

Historia



Ambiente na Nochi Navideño,
den añanan ochenta...



Curso di obra di man pa mucha...



Nos t'ey pa facilta bo!

Centro di Bario Playa Pabao awe y su rumbo pa futuro

E Centro di Bario t'ey pa tur hende di bario Playa Pabao y tin su mes un edificio pa brinda varios servicionan na e bario.

Actividadnan cu e centro ta organisa tur aña ta e.o.; programa pa nos muchanan den vacansi grandi; celebracion di dia di mucha; fiesta di San Nicolas y Nochi Navideño. Tambe nos ta organisa cursonan di obra di man y ceramica, seso sport, caminata y mas. Tur hende di bario Playa Pabao, nan famia y amistadnan ta bon bini na tur nos actividadnan.

Nos ta huur e edificio pa diferente ocasion, manera celebracion di Prome

Comunion, bruid, hacimento di aña, fiesta pa mucha, etc.



Nos t'ey pa facilita bo!

Centro di Mucha "Mi Cocolishi"



Na nos Centro di Bario tin un Centro di Mucha: 'Mi Cocolishi'. Aki nos ta cuida mucha di 2 pa 4 aña. E muchanan ta bao di guia di juffrouw Editha Hayer (3-4 aña) y juffrouw Olga Dirksz (2-3 aña). E coordinadora di e centro ta juffrouw Rosa Burke. Tin un programa di dia cu ta ensera weganan di movecion, weganan social, creativo y educativo. Tambe tin cantamento, rima, storia y combersacion den grupo, keiromento den naturalesa rond di centro y mucho mas. Pa esaki nan ta haci usa di e facilidadnan di e Centro di Bario Playa Pabao. Mas importante ta cu tin cariño y atencion pa mucha y su necesidad ta wordo scucha. Cu e programa nan kier logra un bon contacto entre e mucha y e lider.



Nos t'ey pa facilita bo!

Les di Aerobics

Benny Richardson ta un maestro di gymnasia riba tur tereno. E ta duna les di aerobics pa 40 ana caba y 11 ana pa Centro di Bario Playa Pabao.

Meneer Richardson tin 65 aña pero tres dia pa siman e ta para dilanti su grupo yen di energia. E grupo ta consisti di mas o menos 10 hende muher, nan edad ta varia entre 16 aña te 80 aña.

Pa motiva e damanan aki un tiki mas y pa trece mas ambiente, e mes ta graba su musica hopi varia. E lesnan ta yen di 'swing'. Awor aki e lesnan ta pa hende muher so, pero den e plannan pa futuro lo bai tin les pa mucha y hende homber tambe.

Meneer Richardson ta hasi hopi pa su bario y henter comunidad. E tambe e yuda na centro di bario Dakota, YMCA Dakota y centro di bario Nord. Fuera di esey e ta gusta bai cas di hende grandi pa yuda nan, por ehempel dor di duna masashi

Su welonan a lant'e na Rancho y el a cuminsa traha na un edad relativamente hoben. El a cuminsa como loopjongen na un drukkerij. Despues el a sina e profesion y el a traha basta ana eyan. Tambè el a traha como filmoperateur. Les di gymnastiek el a duna na Juliana School y Tarcisius College.



Parke di Baseball Playa Pabao

Baseball pa mucha a wordo activa na nos centro pa señora Sonali Croes. Di un team el a logra yega na varios team. Hasta un competencia grandi a wordo teni riba tereno di nos centro.

Na aña 2001 directiva di Centro di Bario Playa Pabao a institui un comision di Baseball Playa Pabao guia dor di Jorge Flores y Gerigorio "Buchi" Ridderstap pa stimula y desaroya baseball den e bario.

Esaki tambe ta ensera e creacion di un parke moderno profesional anex na e edificio di Centro di Bario Playa Pabao.

Actualmente Comision di Baseball Playa Pabao tin tres equipo di baseball cu ta usa parke di baseball den otro barionan pa practica. Riba e tereno chikito, parti pariba di e edificio di Centro di Bario Playa Pabao, e muchanan di 4 pa 8 aña por practica.

Asina e proyecto ta ehecuta y nan por usa e tereno pa hunga baseball, e muchanan mas grandi tambe por practica y competi den nan bario mes.



Nos t'ey pa facilta bo!

Playa Pabao: conoci pa pustamento di boto miniatura

Pustamento di boto miniatura ta un actividad cu a nace den e bario di Playa Pabao. Niun otro parti aki na Aruba conoce e tradicion aki y cu a bira algo tradicional y cultural di e bario Playa Pabao. Te dia di awe tin varios hende cu a bira maestro den e elaboracion di un boto miniatura. Hopi tradicion a bai perdi na Aruba, pero boto miniatura nunca a perde su atraccion den e bario. Varios bes den aña ta organisa competencia, celebracion di Aña di la Reina, 18 di maart ta algun di e fechanan cu ta tene un competencia.

Usualmente e competencianan aki ta wordo teni dilanti cas di gobernador, pariba di Wilhelmina Park. Ta un gozo pa wak con hende di edad halto ta drenta lama cu carson dobla te na rudia, cu nan boto y cu sa exactamente ki rumbo e boto ta bai coi, segun e biento. E dia ey ta un dia festivo y henter famia di chikito te grandi ta bin wak e competencia. Ta di spera cu e tradicion aki hamas lo bai perdi y cu e hobennan tambe lo sigui cu e construccion y pustamento di boto miniatura.



